



Hans Enoksen
Medlem af Inatsisartut, Naleraq
inatsisartut@inatsisartut.gl

Kangerlussuup siunissaa pillugu § 37 naapertorlugu apeqquteqaammut 2024-143-mut akissut

18-07-2024
Sags nr.: 2024-12930
Id. nr. 92723557

Asasara Hans Enoksen

Inatsisartut suleriaasianni § 37 naapertorlugu Kangerlussuup siunissaa pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1: Qeqqata Kommunian Namminersorlutillu Oqartussat ingerlataannik ataatsimiittartoqatigiinnik ingerlatsiffiusoq Kangerlussuup siunissaa pillugu eqqartuisoqartarneranik nalunaarutigineqartarpoq. Suliniaqatigiiffik kommunip peqataaffigisartagaa ulloq ukiorlu suna aallartippa?

Akissut: Apeqqut Kangerlussuup siunissaa pillugu suleqatigiissitamut innersuussutaasutut paasineqarpoq. Suleqatigiissitaq Qeqqata Kommuniani, Ineqarnermut Attaveqaasersuutinullu Naalakkersuisoqarfimmi, Aningaasaqarnermut Naligiissitaanermullu Naalakkersuisoqarfimmi, kiisalu Inuussutissarsiornermut Suliffeqarnermullu Naalakkersuisoqarfimmi atorfilinnik ilaasortaqaarsimavoq.

Suleqatigiissitap suliassaasa allattorsimaffiat 11. januaari 2019-imi Qeqqata Kommuniata borgmesterianit aamma taamani Ineqarnermut Attaveqaasersuutinullu Naalakkersuisuusimasumit atsiorneqarpoq.

Apeqqut 2: Qeqqata Kommunian aningaasanik akileraartarnikkut isertitassaagaluit annaanneqarnissaannut taarsiiffigeqquvoq Kangerlussuarmi timmisartunut mittarfik angallaffiujunnaarpat. Qeqqata kommunia akileraartarnikkut annaasassai eqqarsaatigalugit aningaasat qanoq annertutigisut ukiumut akileraarnikkut isertinneqartarpat?

Akissut: Kangerlussuup mittarfiata atorunnaarnissaanik pilersaaruteqartoqanngilaq. Akissuteqaatip ingerlaqqinnissaanut Aningaasaqarnermut Akileraartarnermullu Naalakkersuisoqarfik akissutissanik pissarsiniarfigineqarpoq, tassanngaanniillu aamma Akileraartarnermut Aqutsisoqarfimmut akissutissanik pissarsiniartoqarlui. Akileraartarnermut Ataatsimiititaliaq imaattumik ilisimatitsissuteqarpoq:

“Akileraartarnermut Aqutsisoqarfimmiit Qeqqata Kommunianut Kangerlussuup Mittarfianiit akileraartarnermi isertitat pillugit naatsorsukkanik eqqortunik suliaqarsinnaanngilaq. Mittarfimmi suliani immikkoortut ataasiakkaat ilisimasaqarfigineqanngitsut amerlasuujupput.

Kisiannili Akileraartarnermut Aqutsisoqarfimmiit akileraarutit kisitsisitaannit arlallit, mittarfiup 2020-2022-mi mittarfimmi suliat kingunerisaanik Qeqqata Kommunanut tussimasutut ilimagineqarsinnaasut naatsorsorneqarsinnaasimapput.

Suliffeqarfiit pingaartumik Kangerlussuup Mittarfianiit sullissisuusut tassaapput Air Greenland A/S aamma Mittarfeqarfiit. Suliffeqarfiit sinneqartoorutaasa akileraarutitaat nunap karsianut akilerneqartarput, taamaattumillu suliffeqarfiit sulisuisa, Kangerlussuarmi najugaqartut akileraarutaat A-t kisimik Qeqqata Kommunanut tutsinneqartarput. Tamatuma saniatigut erseqqissaatigineqassaaq, Mittarfeqarfiit siornatigut Kangerlussuarmi suliaassanik arlalinnik, taamaallaat mittarfimmut toqqaannangitsumik attuumassuteqartuusunik, soorlu Hotel Kangerlussuaq, ingerlataqarsimammat. Taamaattumik sulianit taakkunanngaanniit akileraarutit A-t aamma Akileraartarnermut Aqutsisoqarfiup paasissutissaataanut ilaasimassapput. Suliat ataasiakkaat immikkoortinnissaat ajornarpoq, paasissutissat assigiinnik CVR-normoqartillugit nalunaarutigineqartarmata.

Tamatuma peqatigisaanik erseqqissaatigineqassaaq, tabelimi matuma kingulianiittumi pereersut kisimik takutinneqarmata, Akileraartarnermut Aqutsisoqarfik siunissami pisussanut missiliunissamut periarfissaqanngimmat. Taamaattumik siunissami Kangerlussuarmi takornariaqarnermut, illersornissaqarfiup suliaanut il.il. atatillugu akileraartarnermi isertitassat naatsorsorneqarsinnaanngillat. Aamma siunissami suliaassat taakku mittarfimmiit isertitassanut ilaatinneqartussaapput, mittarfimmi suliaassat ilaat suli ingerlanneqartussaammata.

Ukiunut 2020-2022-mut Air Greenlandip aamma Mittarfeqarfiit sulisuminnit, 3910 Kangerlussuarmi najugaqartunit akileraarutit A-t katinneri imatut nalunaarutigaat:

<i>Ukioq</i>	<i>Air Greenland-imit aamma Mittarfeqarfimmiit akileraarutit A-t nalunaarutigineqartut</i>	<i>Qeqqata Kommuniata pissarsiai</i>
2022	15.831.450	9.800.421
2021	10.988.206	6.802.223
2020	12.744.261	7.889.304

Apeqquut 3: Kangerlussuarmi sulisut inuttaasullu qassiuppat?

Akissut: Naatsorsueqqissaartarfiup kisitsisitaatai malillugit 1. januaari 2024-mi inuit 517-it Kangerlussuarmi najugaqarput. Taakkunannga qanoq amerlatigisut "sulisartutut" taaneqarnerisut nalunaarsorneqarsimannngillat.

3.a. Inuit qassit Kangerlussuaq qimallugu sinerissamut nooreerpaat?

Akissut: Naatsorsueqqissaartarfiup kisitsisaatai malillugit 2023-p ingerlanerani inuit 159-it Kangerlussuarmiit sinerissamut nuussimapput. Tassunga assersuutitut inuit 133-t Kalaallit Nunaanni sumiiffinnit allaniit Kangerlussuarmut nuussimapput..

Apeqqu 4: Qanga Kangerlussuarmi najugallit imarpik qulaallugu timmisartunut angallannermut atorunnaarnissaa pillugu ilisimatinneqarpat?

Akissut: Kangerlussuarmut/Kangerlussuarmiit Imaprik qulaallugu timmisartut angallanneri pillugit pisortatigoortumik aalajangiisoqarsimangilaq. Ingerlatseqatigiiffiit niuernermit tunngaveqartut Kangerlussuarmut aamma Kangerlussuarmiit angallaviit suut pilersinniarnelugit namminneerlutik aalajangissavaat.

4.a. Qanga Kangerlussuarmiit aallararnissaat nutsernissaallu aalajangiunneqarpa?

Akissut: Kangerlussuarmi innuttaasut aallassanersut nuussanersullu pillugu aalajangiisoqarsimangilaq.

Apeqqu 5: Taarsiiffigeqqunermi aningaasat qanoq annertutiginissaat Naalakkersuisunut apuunneqareerpa?

Akissut: Apeqqutip taassuma akinissaanut Aningaasaqarnermut Akileraartarnermullu Naalakkersuisoqarfik akissuteqartinneqarpoq. Ilisimatitsissutigineqarpoq:

“Aningaasaqarnermut Akileraartarnermullu Naalakkersuisoqarfik aningaasat qanoq amerlatigerpiarnissaat pillugu ilisimasaqanngilaq.”

5.a. Aningaasat Taarsiissutissat ukiut tamaasa qanoq annertutigissappat?

Akissut: Apeqqu 5-imut akissut takuuk.

5.b. Kangerlussuarmut tunngatillugu Ataatsimiittartoqatigiinnut qanga ilisimatitsissutaava qeqqata kommunia kissaateqarniarpoq?

Akissut: Kangerlussuup siunissaa pillugu suleqatigiissitaq innersuussutigineqarpat, suleqatigiissitap nalunaarusiaani kommunimit piumasaqartoqarsimanersoq oqaatigineqanngilaq.

Apeqqu 6: Qeqqata kommuniata Kangerlussuarmut aningaasartuutigisartagai ilanngullugit taarsiissutaaniarpat?

Akissut: Apeqqutip taassuma akinissaanut Aningaasaqarnermut Akileraartarnermullu Naalakkersuisoqarfik akissuteqartinneqarpoq. Aningaasaqarnermut Akileraartarnermullu Naalakkersuisoqarfimmit ilisimatitsissutigineqarpoq:

“Tamanna matuma siuliani allassimasunut atassuteqanngilaq.”

Apeqqu 7: Ukioq 2024 naanerani suliffiit suut Kangerlussuarmi ingerlassappat?

Akissut: Naalakkersuisuniit paasissutissat kissaatigineqartut pigineqanngillat. Taamaattumik apeqqut taanna akineqarsinnaanngilaq. Tamatumunnga atatillugu Inatsisartut Suleriaasianni § 37, imm. 2 innersuussutigineqarpoq.

7.a. Qassinik sulisoqassava?

Akissut: Apeqqut 7-imut akissut takuuk.

Apeqqut 8: Kangerlussuarmut timmisartutigut attaveqartarnerit sapaatip akunneranut ullut qassit atorineqartarnissaat naatsorsuutigineqarpat?


Akissut: Apeqqutip taassuma akinissaanut Air Greenland akissuteqartinneqarpoq. Air Greenland ilisimatitsivoq, maannarpiaq Dash 8-p sapaatit akunnerannut pingasoriarluni Kangerlussuup, Nuup Sisimiullu akornanni angalasarnissaa naatsorsuutigigitsik.

Kangerlussuup mittarfianiit timmisartut jets-it kiffartuunneqarsinnaanerini inissiinerup kingorna Albatros Arctic Circle marsimiit oktobarimut sapaatit akunnerannut marloriarluni Københavnip, Kangerlussuup Nuullu (uterlugulu) akornanni sumiiffimmut angallavimmi sullissisarnissaaq pillugu isumaqatigiissuteqarfigineqarpoq. Ataasinngornikkut sisamangornikkullu avannamut kiisalu marlungornikkut tallimangornikkullu kujammut angallassisoqarsinnaassaaq. Angallavimi Jet 738 180-inik issiavilik Jettime-meersaq atorineqassaaq.

Kangerlussuup Nunatsinnilu illoqarfiit akornanni angallaviit annertusineqassapput, taamaalillunilu Sisimiunut Nuummullu aammalu uterlugu sapaatit akunnerannut pingasoriarluni attaveqartarnerup saniatigut, aamma sapaatit akunnerannut ulluni tallimaniit arfinilinni Kangerlussuup aamma Ilulissat akornanni attaveqartoqalissalluni.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen